

Gommesdoagen en gain inde (è)

1. t Vaalt nait tou aal doagen ales op tied ien hoese te kriegen om kokeroatsie te bekraben en te bestötten.
2. Zounde kinst op De Povverd bie hoesslachter, stoef bie dwaarshelgen, dien vlaais digitoal bestèllen:vrizze worsten, gehakbalen, boekspek mit swoor enzowathin.
3. Mor dat nait bloots, ook pozzies ries mit botter en kenail, praan mit spek en graauwaarten mit snibbelde siepels, dij slachterske aanderdoags oetzudeln zel.
4. Deur regen is weg glidderglad, zodat t vrommes mit elektriese fiets en aal ondersteboven kukelt en op stroat ligt te spinhakken.
5. Haile körf mit eterij ligt enter-over-twenter op stroat: swienskaarmenoadjes, droaderge Heinrich's reuzen en ringenetten.
6. Loop-bie-de-weg kraabt weer ien t ind (ènd) en zöcht heur romtommelderij bie nkander.
7. Din komt plietsie der oertou, zigt verdisterwaaierde fiets en vragt: 'Dat is ja allerbenaauwdst, is der wat schanzaaierd?'
8. 'Vaalt tou', zegt havvelsnoet maalkopt, 'ik bin allint mien nieren kwiet en barries van n hond het mien lever òfnaasked.